



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Decano Vlixbonensi, Priori & P. Frodiz Monacho de Alcobatia.

urn:nbn:de:hbz:466:1-20006

Tandem verò cum dilectus filius noster G. sancti Angeli Diaconus Cardinalis, tunc apostolicæ sedis Legatus, intrasset Hispaniam, eandem causam venerabili fratri nostro Episcopo & dilecto filio Archidiacono Vlixbonen. delegavit: qui priorum iudicium sententiam confirmantes, interdicti & excommunicationis sententias in Ecclesiis ipsas & earum parochianos latam à primis iudicibus innovarunt, ac postmodum idem Cardinalis quod ab eis factum fuerat confirmavit. Quia verò nobis ad plenum non constitit de præmissis, discretionem vestram per apostolica scripta mandamus quatenus recepta ab eisdem Templariis parendi coram vobis iustitiæ legitima cautione, partibus convocatis inquiratis de prædicta sententia diligentius veritatem, & si eam inveneritis iuste latam, faciatis mandari executioni, & usque ad satisfactionem à partibus per censuram ecclesiasticam inviolabiliter observari. eodem modo per omnia processuri, si forsan fratres ipsi noluerint quòd stent & parent juri cavere. Alioquin partibus convocatis audiat causam ex integro, & ipsam appellatione remota mediante iustitia terminetis; non obstante privilegio in præjudicium Colimbrien. Ecclesiæ per subreptionem obtento. Quòd si omnes &c. duo vestrum &c. Datum Romæ &c. XII. Kalend. Iunij &c.

*ABBATI DE ALCOBATIA,
F. Menendi & P. Exod. monachis
Alcobatie.*

Venerabili fratre nostro Colimbriensi Episcopo didicimus conquirente quòd cum fratres sanctæ Crucis monasterium de Arganil sub protectione sua nuper receperint, quod suis prædecessoribus episcopalia jura conlueverat ab antiquis temporibus exhibere, nunc quodam de Canonicis suis sine suo consensu ibi facto Priore, occasione cujusdam privilegij à bonæ memoriæ Clemente Papa prædecessore nostro veritate tacita impetrati, eidem Episcopo debitam obedientiam denegat exhibere; inde sumpta occasione, quòd per matricem Ecclesiam non Cathedralis intelligunt, sed Romanam. * Quia verò non est nostræ intentionis ut jura fratrum nostrorum temporibus nostris indebitè minuantur, causam ipsam vobis duximus

committendam, per apostolica scripta mandantes quatenus si aliud vobis non occurrerit propter quod dictus Prior non debeat diocesano Episcopo respondere, eum ad præstandam dicto Episcopo debitam reverentiam, sicut prædecessores sui prædecessoribus Episcopi præstiterunt, appellatione remota per censuram ecclesiasticam compellatis. Nos enim per matricem Ecclesiam, Cathedralis intelligere volumus, non Romanam, non obstante privilegio in præjudicium Colimbrien. Ecclesiæ per subreptionem obtento. Quòd si omnes &c. duo vestrum &c. Datum Romæ &c. III. Kalend. Iunij.

*EPISCOPO ET PRIORI
Elborensi.*

Innotuit nobis, venerabili fratre nostro Colimbrien. Episcopo conquirente, quòd cum olim magna pars Colimbriensis diocesis ab inimicis crucis teneretur invasa, bonæ memoriæ Innocentius Papa prædecessor noster Lamecensem & Auriensem Ecclesias Colimbriensi (sicut ex privilegio ejus apparet) concessit tamdiu detinendas, donec amissam partem diocesis rehaberet. Cum autem A. quondam Rex Portugalliæ diocesim illam liberasset à manibus * paganorum, quandam partem ipsius dilectis filiis fratribus militiæ Templi, quandam verò monasterio sanctæ Crucis motu proprio assignavit, & in prædictis Ecclesiis Episcopos obtinuit ordinari. Ne igitur dicta Colimbrien. Ecclesia se doleat suo jure privatam, discretionem vestram per apostolica scripta mandamus quatenus vocatis illis qui propter hoc fuerint evocandi, audiatis quæ hinc inde duxerint proponenda; & quod canonicum fuerit super his appellatione postposita statuatis, facientes quod statueritis firmiter observari. non obstante privilegio vel rescripto in præjudicium Colimbrien. Ecclesiæ per subreptionem obtento. Nullis literis veritati & iustitiæ &c. Quòd si ambo, &c. tu frater Episcope &c. Datum II. Idus Maij.

*DECANO VLIXBONENSI,
Priori & P. Frodiz Monacho
de Alcobatia.*

Innotuit nobis, venerabili fratre nostro Colimbrien. Episcopo intiman-

*Epist. 223.
Ejusdem ferè
argumenti.*

** id est, Sarra-
cenorum.*

*Epist. 224.
Privilegium in
grave detrimè-*

** In tertia Col-
lacione: Vnde
quia non*


rum alterius
impetratum re-
vocatur.
Vide caput
Cum olim pro-
pter. De privi-

re, quòd cum M. quondam Canonicus sanctæ Crucis in Episcopum fuisset Colimbrien. assumptus, privilegium quoddam de consilio quorundam Canonicorum Ecclesiæ Colimbrien. monasterio sanctæ Crucis indulsit in non modicum ejusdem Ecclesiæ præjudicium & gravamen. Quia verò nobis non constat de præmissis, discretioni vestræ per apostolica scripta mandamus quatenus partibus convocatis inquiratis de præmissis diligentius veritatem; & si privilegium ipsum in grave dispendium Colimbrien. Ecclesiæ videritis redundare, quòd illicitè factum est, auctoritate apostolica appellatione remota legitimè revocetis, non obstante privilegio in præjudicium Colimbrien. Ecclesiæ per subreptionem ab apostolica sede obtento. Datum Romæ &c. III. Non. Iunij.

*DE SAZETA ET DE
Manzenera Abbatibus, & P. Frod.
monacho de Alcobatia.*

Epist. 125.
Vt Ecclesia Co-
limbrien. suo
jure & privile-
giis non spo-
lietur.

Q Verelam venerabilis fratris nostri Colimbrien. Episcopi ad nos delatam accepimus, quòd cum carissimus in Christo filius A. Illustris Rex Portugalliæ partem territorij Colimbrien. & vicinorum castrorum in loco qui Alathen vocatur, & in sua proponitur diocesi constitutus, jamdudum hominibus dederit incolendum, qui ei de regalibus responderent, fratres monasterij sanctæ Crucis in locis illis quasdam denuo Ecclesias construxerunt & construunt ex quibus episcopalia jura percipiunt, & reddere contradicunt, cum in suis privilegiis habeatur quòd in illis tantum villis, quas de novo ædificant, episcopalia jura valeant obtinere. Nolentes itaque predictos fratres aliis injuriosos existere, causam ipsam vobis duximus committendam, per apostolica scripta mandantes quatenus partibus convocatis, audiat quæ proponuntur hinc inde, & quòd canonicum videritis super his appellatione postposita statuatis, facientes quòd statueritis firmiter observari, non obstante privilegio in præjudicium Colimbrien. Ecclesiæ per subreptionem obtento. Quòd si omnes &c. duo vestrum &c. Datum Romæ &c. VI. Kalend. Iunij.



*DE ALCOBATIA ET DE SEIZA
Abbatibus, & Priori de Alcobatia.*

EXposuit nobis venerabilis frater noster Colimbrien. Episcopus in nostra presentia constitutus, quòd Portugallen. Ecclesia flumen Dorij, quòd Portugalen. diocesim à Colimbrien. separavit, & ab antiquo fuerat certus terminus utriusque, transgressa, magnam partem Colimbrien. diocesis occupavit contra compositionem à bonæ memoriæ Bosone quondam Cardinale tunc apostolicæ sedis Legato apud Burgum in Concilio factam, & per sedem apostolicam postmodum confirmatam. Volentes igitur Colimbrien. Ecclesiæ in suo jure adesse, discretioni vestræ per apostolica scripta mandamus quatenus venerabilem fratrem nostrum Portugalen. Episcopum ad restituendam illam partem diocesis, quam præter justitiam detinet occupatam, cum fructibus inde perceptis, monitione præmissa, per censuram ecclesiasticam, sicut justum fuerit, appellatione postposita compellatis. Nullis literis veritati & just. &c. Quòd si omnes &c. duo vestrum &c. Datum Idibus Maij.

*DE SAZETA ET DE
Manzenera Abbatibus, & F. Menendi
monacho de Alcobatia.*

Instituavit nobis ven. fra. noster Colimbrien. Episcopus quòd cum illustris Rex Portugalliæ fratribus sanctæ Crucis apud Castrum de Leirena in una tantum Ecclesia jus concesserit patronatus, inconsulto diocesano Episcopo in eodem loco construere alias motu proprio præsumperunt, quas & per capellanos conductitios regunt, & in nullo propriis volunt diocesano Episcopo respondere. Eisdem etiam Ecclesias privilegiis suis fecerunt inscribi, cum ab episcopali jure nunquam fuerint de consensu Episcopi liberatæ. unde totum jus episcopale in oppido nominato sibi præsumunt temerè vendicare. Quia igitur nobis constare non potuit de præmissis, discretioni vestræ per apostolica scripta mandamus quatenus partibus convocatis &c. quòd justum videritis super his appell. postposita statuatis &c. non obstante privilegio in præjudicium Colimbrien. Ecclesiæ per subreptionem obtento. Quòd si omnes &c. duo vestrum. Datum &c. VI. Kalend. Iunij.

ROTHO-

Epist. 126.
Ejusdem argu-
menti cum præ-
cedenti.

Epist. 127.
Ejusdem argu-
menti.